



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

VIII. Confusio Turris Babylonicæ.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

hūcque, retrorsum incedentes, iniiciunt nudato corpori, pudicitiaē pariter & pietatis laude, uno in officio, conjunctā. Insigne tulit virtus præmium. Posteaquam Noëmus, ebrietate cum sopore discussā, advertit, tectum se pallio non suo, sed alieno, causāque intellectā, meritas in Chamum filium, & Chanaanem nepotem, devotiones, non tam imprecandi, quàm futuras calamitates posteris ipsorum eventuras, prædicendi gratiā, protulit. Neque aliter, quàm præfagiit, evenit. *Semum* namque *Iaphetumq;* (Gentiles *Iápetum* appellant) fausta parentis precatio in progeniem cunctam est comitata, tam frugum, quàm sapientiæ, pietatis, religionis, divinæque gratiæ copiā, Deo eam prosequente. Chananæi verò, *Chami*, & *Chanaanis* posterī, impietatis avitæ hæredes & imitatores, servituti non modò corporum, sed animorum quoque, in omne scelus projectorum, addicti stirpitis excindi, à Deo jussi, documento fuerunt orbi, quàm infelices sint, quorum patrimonium est vitiositas parentum.

NAR. VIII.

CONFUSIO  
TURRIS BABYLONICÆ

Gen. II. A. M. 1909. ante Ch. 2144.

**A**ntequam spargeretur in diversā mortalium genus, civitatem, quæ potentiæ argumentum esset, ad Euphratis ripas, amplissima planitie posuerunt. Quale opus! quod ab omnibus  
in-

inceptum hominibus , quod annis viginti duobus nondum absolutum , quod imperfectum , regni sedes fuit , cuius ex fundamentis , primum orbis miraculum , surrexit , Babylo . Et in ea turrim erexerunt , quæ cœlo , si superis placet , par esset . Disiecta tandem est superba illa ædificantium vanitas , linguis divisorum , & manibus . Non grassatus est DEUS fulmine , non ignibus pœnam inflixit ; sed acerbissimum superbis supplicium , contemptum ; idioma unum , in septuaginta duo divisum ; animorum quoque discordiam invexit , & machinatores longè , latèque dissipavit . Rei seriem paullo pluribus exprimemus .

Jam Cainus Abelis fraterno sanguine , per homicidium fuso , pœnas dederat , jam dudum Cainitis immixti per connubia Sethiani ( Sethi , religione inclityti , nepotes ) filiorum DEI nomen intemperanti mulieriositate scœdaverant ; & irritatus mortalium unanimi scelere , nequitiæque DEUS , inundatione terrarum prodigiosâ delêrat , quidquid vivere prius jusserat . Jam siccato rursus orbe , Noachi tres filij , totidémque nurus ex *Ararato* monte , cuius vertici tandem institerat Arca , descendentes , Armenia superioris vicina quæque loca repleverant , ingenti posteritate ; jam denique *Noachus* filio *semo* Asiam , ultra Euphratem , ad Indicum usque oceanum , dederat ; *Iapheto* Asiam reliquam cis Euphratem , cum Europa ad Gades usque ; *chamo* Syriam cum Arabia , & Africa tota concesserat ; cum *Nemrodus* , alio nomine *Belus* , *Chami* , paternæ nuditatis illusoris , non degener nepos , robore procerit atèque corporis præcellens , adhæc præfidus , tumidus , ferox ,

divinorum neglector ; nec inferior oris facundia ;  
 mortalibus per clientes ; & amicos suos persuasit ;  
 ut , antequam in varias terras dividerentur , turrim  
 exstruerent , cuius apex nubes penetraret : servitu-  
 ram eam altitudinem cum gloria & memoria Con-  
 ditorum ; tum futurum munimentum , adversus  
 aquarum eluviones , si quando terras iteratò inunda-  
 rent. Cuncti non aures magis , quàm manus præ-  
 buere promptas. Nec mora , calentibus omnium  
 studiis , inchoatur opus : urbisque dimensis spatiis  
 ac pomariis , & egestò limò , collectoque certatim  
 bitumine , compinguntur & excoquantur diu no-  
 ctuque lapides. Murorum , propugnaculorum ,  
 turrium , ac domorum firma demittuntur funda-  
 menta ; præcipueque Turris illius , ac veriùs Arcis ,  
 quod in urbis parabant meditullio machinari. Sunt ,  
 qui structorum quingenta millia tantæ moli tribue-  
 rint. Et si Herodoto , Græco Scriptori , credimus ,  
 murorum ex lateritia materia crassitudo unius fuit  
 stadij , sive partis octavæ milliari Italiani , quorum  
 quatuor constituunt unum Germanicum ; funda-  
 mentorum verò latitudo prorsus incredibilis. Cum  
 enim octo superessent , etiam Herodoti tempestate ,  
 turris in una Turri : sic aliæ aliis fuerunt superim-  
 positæ , ut operis sublimitas , quanquam inconsum-  
 mæ , Divi Hieronymi testimoniò , ad quatuor sal-  
 tem passuum millia , hoc est , milliare Germanicum ,  
 ascenderit. Templum in infimâ turrium , quadri-  
 formi stetit figurâ , cuius circuitus duùm stadiorum ;  
 ut non immeritò à quodam Gigantum turris , ac  
 turrium gigas appellata sit.

Procedebat incrementis suis illa moles , & annis  
 in

in vicennium jam , & ampliùs ; inde Nemrodo dictante fabricæ formam , ac leges ; hinc verò præceptis obtemperante cœtu hominum , unâ linguâ utentium , quâ generis humani primi propagatores imbuerunt posteros suos ; quæ deinceps in *Hebære* retentâ, Hebraicæ nomen ac dignitatem sola conservavit. Donec proritatus Deus, & arrogantiam mortalium , & coloniarum in diversa loca tarditate , turbavit uno momento multorum aunorum negotium , conturbatis structorum verbis ; septuaginta duobus , pro numero totidem principum familiarum , distinctissimis idiomatibus , intra temporis unicum articulum , enatis. Itaque fremere præcæteris Nemrodus, ferus & impotens animi vir, nec imperium curari suum, nec capi voces ac iussa ; discedere, si quos vocaret ; venire si quos faceffere juberet : cessare laborantes , laborare , quibus ipse cessationem indixisset ; pro latere lignum, pro ligno glebam , pro bitumine caseum , aut lactis finum ; pro bipenni vel malleo panem , vel fructibus refertam corbulam apportari ; denique cuncta fieri , præterquam ea , quæ facienda tunc instarent ; cæteri quoque nec obsequium , insanis quantumvis acclamationibus , extundebant mutuum , nec familiare responsum ; donec vertente in commiserationis affectum indignatione , non jam contumaciam, sed pœname esse senserunt , ultione Numinis immiffam. Ita factum , ut desperatione successûs , alius aliò per manipulos , ac centurias dilaberentur , remanentibus ad extremum solis illis , qui se Nemrodianos usu communis linguæ profitebantur. Tanti refert ad firmam studiorum concordiam retinendam , ne

ser-

sermone quidem dissonare. Ex illo temporis ac rerum puncto, diversissimas in terras, insulasque, mortales dilapsi sunt, & Urbs; pendentibus caëptis, & urbis arx, monstrosa Turris, ab eo tempore nomen *Babelis* sortitæ sunt; quæ vox Confusionem Hebræa significatione præ se fert; ex eo, qui linguas disturbavit, permiscuitque, successu. Græci deinde, Romanique Babylona nominârunt. Nemrodus verò, convalescente magis ac magis per propaginem populo, clientelisque, quâ voluntate sponteque subjectorum, quâ viribus & armis, regnum instituit, quem filius excepit *Ninus*, qui genitorem vitâ functum, per execrabilem superstitionem, in ipso Turris Babylonicæ templo consecravit, & in impio simulacro DEUM esse iussit, principio tunc idololatriæ stabilitò. Usque adeò mali Principum mores facillè transfunduntur in populum. Et Salomonis proverbio fertur cap. 29. *Princeps amans mendacia, habet omnes ministros impios.*

NAR. IX.  
**A B R A H A M I**  
**M I G R A T I O**

È Chaldæa in Chananitidem. Uxoris Saræ in Ægypto periculum. Victoria de Chodorlahomore Elamitarum regulo. Occursus & Gratulatio Sacerdotis Melchisedechi. Gen. 12. 13. 14.  
 Ab anno M. 2108. antè Ch. 1945. ab anno M. 2117. ante Christum. 1936